



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUTZEKO ERREGELAMENDUARI BURUZKOA

2024BHER0003

UNITATEA	EUSKARA ETA HEZKUNTZA
XEDEA	EUSKARAREN AHOLKU KONTSEILUA ARAUTZEKO ERREGELAMENDUA ALDATZEA

HERRITARRAK LAN-ESPARRUKO INFORMAZIO BATZORDE IRAUNKORRERAKO

IRIZPEN-PROPOSAMENA

IKUSIRIK

LEHENA.- 2023ko abenduaren 19ko probidentziaren bidez, espediente bat hasia zedatu zuela Euskara eta Euskaltegia Azpisaileko zinegotzi delegatuak, xede honekin: Euskararen Aholku Kontseilua arautzeko erregelamendua aldatzea. Legez ezarritako aurretiazko informazio publikoko epean ez zen jaso proposamenari buruzko ekarpenik.

BIGARRENA.- Euskara eta Hezkuntza Saileko zerbitzuburuak, 2024ko otsailaren 5ean eginiko txostenarekin, erregelamendua aldatzeko proposamena egin zuela, horretarako arrazoiak azalduz; besteak beste, disfuntzio batzuk nabari zirela Kontseiluaren osaerari eta bileren maiztasunari dagokionez, areago Tolosako Udalak Hezkuntza Kontseilua sortzeko asmoa zuela ikusirik. Horrenbestez, eta oinarri gisara harturik parte-hartzearen, sinplifikazioaren eta efikaziaren printzipioak, erregelamendua aldatzea proposatu zuen. Bidenabar, erregelamenduaren edukian txukunketa batzuk egitea ere proposatu zuen.

KONTUAN HARTURIK

LEHENA.- Txosten juridikoa igorri dela 2024ko otsailaren 28an, eta oinarri juridikoei buruz honako hau dioela:

Autonomia Estatutua da hizkuntza-normalizazioa ordenatzen duen arau juridikoa, eta haren abiapuntua da, hain zuzen, hizkuntza bien berdintasun-estatusa ez dela guztiz berdina. Hortaz, normalizazioaren helburua da hizkuntza bien arteko erabateko berdintasuna lortzeko baldintzak sortzea, Euskal Autonomia Erkidegoko herritarren eskubideak bermatzeko.

Euskararen erabilera normalizatzeko azaroaren 24ko 10/1982 Oinarrizko Legearen 23., 25., 26. eta 27. artikuluetan bide ematen zaie botere publikoei euskara susta dezaten.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUTZEKO ERREGELAMENDUARI BURUZKOA

2024BHER0003

Eta Euskadiko Toki Erakundeei buruzko apirilaren 7ko 2/2016 Legearen bidez, euskara toki-erakundeetan sustatzeko neurriak ezartzen ditu. Besteak beste, 6. eta 7. artikuluetan toki-erakundeei hizkuntza-autonomia zabala aitortzen zaie, eta, 17. artikuluan hizkuntza-normalizazioari lotutako eskumen propioei dagozkienak ezartzen ditu. Honela dio 17.1 26 apartatuak: «Udalerrien eskumen propioak: 1-lege honetan eta aplikatu beharreko legerian xedatutakoaren esparruan, udalerriek honako esparru material hauetan erabili ahal izango dituzte eskumen propioak: 26) Euskararen erabilera sustatzeko udal-planak idatzi, onartu eta kudeatzea, lege honen 7. artikuluan xedatutakoa gorabehera». Era berean, Lege honek, bere 7.artikuluan, “Toki-erakundeen eta udalen eskumenak euskararen erabilerari dagokionez” atalean ondorengoa dio, bere 2.apartatuan: «Era berean, Udalei izendatzen zaie, eskumen propio gisa, hartatik eratorzen diren ahalmen eta funtzioekin, bere lurralde eremuan euskararen ezagutza sustatzeko eta erabilera dinamizatzeko eskumena, horretarako zerbitzuak eta jarduerak zuzenean antolatuz, edo beste pertsona edo erakunde batzuek euskara sustatu eta dinamizatzeko aldera burutzen dituzten jardueren finantzaketan lagunduz».

Euskadiko Toki Erakundeei buruzko Legea garatzeko 2019ko azaroaren 19ko Euskadiko toki-erakundeetan hizkuntza ofizialen erabilera instituzionala eta administratiboa normalizatzeari buruzko dekretua garatu zen, non 59. artikuluan bereziki aipatzen den Euskara Plangintza-tresnak eragile eta kolektibo inplikatuekin hitzartuta egin behar direla. Beti ere, parte-hartzearen, sinplifikazioaren eta efikaziaren printzipioak kontuan hartuta.

Horren oinarriak Konstituzioaren lehen xedapen gehigarria eta Euskadiren Autonomia Estatutuaren abenduaren 18ko 3/1979 Lege Organikoaren 6.2 eta 10.4 artikuluetan ezarritako eskumenak dira.

Bestalde, Euskal Autonomia Erkidegoko tokiko entitateei aplikagarria zaien Euskadiko Toki Erakundeei buruzko apirilaren 7ko 2/2016 Legeak, bere Zioen Azalpenean, IV apartatuan honela dio: «Bistakoa da tokiko politikaren kalitate instituzionala hobetu beharra dagoela udal-gobernuek beren legimititatea indar dezaten, zerbitzu-zorro iraunkor eta efizientea garatuz. Izan ere, udalak dira herritarrek arazoak konpontzeko jotzen duten lehendabiziko atea, eta udalen legitimazio instituzionalaren oinarria da, neurri handi batean, herritarren beharrei erantzun egokia ematea eta herritarrei bizi-kalitate egokia eskaintzea, eskubide guztiak baliatzeko aukera bermatuta; horien artean, gainera, hizkuntza-eskubideak».

Hala islatzen da legeak toki-harremanetan kultura eta hizkuntza eredu propio baten alde egin duen aukera garbian ere, apustu sendoa egiten baitu euskararen iraunarazpen, finkapen eta garapenaren alde. Horregatik, euskara babestu eta normalizatzeko lana Euskal Herriaren hizkuntza berezkoa eta komuna denez, lehenik euskal botere publiko



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUTZEKO ERREGELAMENDUARI BURUZKOA

2024BHER0003

guztiei dagokie, baina euskal udalak bide-erakusle izan behar dira eginkizun horretan. Ondorioz, lege honen asmoa da aitzindari izatea prozesu batean non botere publiko guztiek apustu irmoa egin behar baitute euskararen alde, haren normalizazio desiratua eta erabateko garapena galarazten edo oztopatzen duten trabak erauziz.

Toki-agintarien jarduerak eskatuko du neurri bereziak hartzea euskararen alde, egoera kaskarragoan dagoen hizkuntza ofiziala baita. Izan ere, euskara faboratzeak bilatzen duena da, hain zuzen, herritarren artean benetako berdintasuna sustatzea, Hizkuntza Erregionalen edo Gutxituen Europako kartaren 7.2 artikuluan jasotakoaren zentzuan —karta hori 1992ko azaroaren 5ean onetsi zen Estrasburgon eta indarrean dago gure ordenamendu juridikoan, 2001eko otsailaren 2an berretsia izan ondoren—, non bere helburu eta printzipioen artean esaten duen ezen «hizkuntza erregionalaren edo gutxituen alde neurri bereziak hartzea, hizkuntza horien hiztunen eta gainerako biztanleen artean berdintasuna sustatzera zuzenduta daudenak eta beraien egoera berezia kontuan izatea bilatzen dutenak, hori ez da hartuko hizkuntza hedatuagoen hiztunekiko diskriminazio-egintzatat».

Azken finean, lege honek bilatzen du euskal toki-erakundeei erabateko toki-autonomia bermatzea modu efektiboan esku har dezaten beren auzotarren interes eta asmoei eragiten dieten gainera muga bakarra izanik errespetatzea eraginkortasunaren, efizientziaren eta administrazio onaren printzipioak eta betiere, mendeturik aurrekontu-egonkortasunari eta finantza-jasangarritasunari buruzko arautegi aplikagarriari, udal autogobernuko eredu garatuarekin koherentzia jokatzeko eta 1985eko urriaren 15eko Toki Autonomiari buruzko Europako Kartaren espirituarekin eta printzipioarekin bat etorritz, karta hori indarrean baitago gure ordenamendu juridikoan 1988ko urtarrilaren 20an berretsi izan ondoren. Eta hori guztia Toki Autonomiari buruzko Europako karta lehentasunezko iturri bat delako toki-araubideari buruzko legeen integrazioarako eta interpretazioarako.

BIGARRENA.- Berdintasun-teknikariak, 2024ko martxoaren 5ean egindako txostenean, erregelamendu-proposamenari egokitzapen batzuk egiteko eskatu zuela; zehazki, 7.2 artikuluan, Batzorde Iraunkorrari buruzkoan, sexu bien presentzia orekatuari buruzko aipamen bat sartzea, eta bereizketa eragiten duten elkarteek ezin parte hartu ahal izatea.

7/1985 Legeak, apirilaren 2koak, Toki Araubidearen Oinarriak arautzen dituenak, 22.2 d) artikuluan xedatutakoaren arabera, organo honi dagokio onespena ematea: Udalbatza.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUTZEKO ERREGELAMENDUARI BURUZKOA

2024BHER0003

Tolosako Udaleko Herritarrak Lan Esparruko Informazio Batzorde Iraunkorrak, 2024ko martxoaren 20an egindako bilkuran, balorazio-proposamen hau aztertu eta bozkatu du. Bozketaren emaitza honako hau izan da:

• **Aldeko botoak:** Aitor Agirresarobe, Goiuri Ezeiza, Aitzol Gartzia, Esti Kortejarena, Iker Uson, Leire Zubeldia eta Jose Mari Villanueva.

Beraz, aho batez, honako balorazio hau onartzea proposatzen zaio instrukzio organoari.

LEHENA.- Tolosako Udaleko Euskararen Aholku Kontseilua arautzen duen erregelamendu berriari hasierako onarpena ematea, eranskinean azaltzen den eran.

BIGARRENA.- Erregelamendu hau eta dagokion espedientea informazio publikoan jartzea hogeita hamar laneguneko epean, Gipuzkoako Aldizkari Ofizialean argitaratu eta biharamunetik hasita, herritarrek aztertu eta erreklamazioak edo iradokizunak aurkez zitzaten. Era berean, entzunaldia ematea Euskararen Aholku Kontseilua osatuko duten eragileei: Galtzaundi Euskara Taldeari, *Tolosaldeko Ataria* hedabideari, 28 Kanala hedabideari, Samaniego Herri Ikastetxeari, Orixe Institutuari, Laskorain ikastolari eta Herrikide ikastetxeari, baita Udalerrri Euskaldunen Mankomunitateari ere.

HIRUGARRENA.- Erabaki hauek argitaratzea Gipuzkoako Aldizkari Ofizialean, Tolosako udaletxeko iragarki-taulan eta Tolosako Udalaren webgunean.

Herritarrak Batzordeko idazkaria



TOLOSAKO
UDALA

Herritarrek Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUZKEO ERREGELAMENDUARI BURUZKOA

2024BHER0003

ERANSKINA

AURREKARIAK

Tolosako Udalbatzak 1990eko ekainaren 29an onartu zuen Tolosako Udalean eta Udalerrian euskararen erabilera normalizatzeko Udal Ordenantza, eta 35. artikulua ezartzen du hizkuntza-politikari buruzko koordinazio-organo bat sortuko dela udalerrian, «euskara normalizatzeko lanetan dihardutenen eztabaidarako elkargune izango dena».

Bide beretik, Tolosako Udalbatzak 2021eko urtarrilaren 28an onartu zuen Tolosako Udaleko Euskararen Aholku Kontseilua arautzeko erregelamendua. Organo aholku-emailea eta eztabaidatzailea da Kontseilua, erregelamenduaren lehen artikulua zehazten duenez. Finean, Kontseiluak hartu zuen Euskara Batzordeak urteetan edukitako funtzioa.

Horri dagokionez, kontuan hartu behar da zer xedatzen duen 7/1985 Legeak, apirilaren 2koak, Toki-araubidearen oinarriak arautzen dituenak: udalak herritarren partaidetza bultzatu behar duela herriko kontuetan. Udalbatzak 2022ko maiatzaren 26an onartu zuen Tolosako Udaleko Gobernantza, Partaidetza eta Gardentasunari buruzko Ordenantza. Herritarren partaidetzarako organoak arautzen dira 35. artikuluan, eta, besteak beste, zehazten da zer izaera duten: «Udalaren eta herritar norbanakoen zein antolatutakoen arteko topagune egonkor eta iraunkorrak dira eta nolabaiteko erregulartasunez biltzen dira, udal jarduerari, zerbitzu programei, planei edo politikei buruzko iritzi eta proposamenen gainean dialogatu, debatitu edo eztabaidatzeko. Organo hauek kontsultiboak dira».

Hizkuntza-politikaren esparruan, 179/2019 Dekretuak, azaroaren 19koak, Euskadiko toki-erakundeetan hizkuntza ofizialen erabilera instituzionala eta administratiboa normalizatzeari buruzkoak, 59. artikuluan ezartzen du toki-erakundeek nola landu behar duten hizkuntza-plangintza; besteak beste, «eragile eta kolektibo inplikatuekin hitzartuta» egin behar direla.

Xede horiekin, Tolosan hizkuntza-politika bateratua lantzeko helburuz, eta parte-hartzearen, sinplifikazioaren eta efikaziaren printzipioak oinarritzat harturik, Tolosako Udalak berriro egin du Tolosako Udaleko Euskararen Aholku Kontseilua arautzen duen erregelamendua.

1. artikulua. Eratzea.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUTZEKO ERREGELAMENDUARI BURUZKOA

2024BHER0003

Tolosako Udalak aitortzen du hizkuntza-eskubideak oinarrizkoak direla, eta, ondorioz, botere publikoek herritar guztiei bermatu beharrekoak. Era berean, uste du gobernantza onak bete beharreko printzipioetako bat dela herritarrek hizkuntza-politiken sorreran parte hartzea, baita proiektuak eta programak planifikatzen eta ebaluatzen ere. Horrenbestez, hizkuntza-normalizazioak Tolosarentzat duen garrantzi estrategikoa dela eta eratu nahi da Tolosako Udaleko Euskararen Aholku Kontseilua.

2. artikulua. Euskararen Aholku Kontseiluaren izaera.

Tolosako Udaleko Euskararen Aholku Kontseilua kide anitzeko organo aholku-emailea eta eztabaidatzailea da, Tolosako Udalari Herritarrak Lan Esparruko Informazio Batzorde Iraunkorraren bidez atxikia.

Kontseilua harreman-organoa da, non elkartuko diren Tolosan hizkuntza-normalizazioan diharduten taldeetako, elkarteetako eta erakunde publiko nahiz pribatuetako ordezkariak.

Kontseiluaren esku-hartzea adieraziko da bere eginkizuntzat hartutako gaien azterketan. Gai horiei buruz egindako proposamenak edo alternatibak ez dira Udalarentzat lotesleak izango. Kontseiluak Udalari egindako proposamenak edo alternatibak ez badira kontuan hartuak behin betiko onespenean, horren zergatiak adierazita erantzungo zaio Kontseiluari.

Kontseiluak Udalarekin izan beharreko harreman guztiak Herritarrak Lan Esparruko Informazio Batzorde Iraunkorraren bidez bideratuko ditu.

Funtzionamendu egokia bermatzeko, Euskara eta Hezkuntza Sailaren laguntza teknikoa izango du Kontseiluak.

3. artikulua. Euskararen Aholku Kontseiluaren eginkizunak

Euskararen Aholku Kontseiluaren eginkizunak honako hauek dira:

1. Tolosako Udalari laguntzea euskarari buruzko plan estrategikoak diseinatzen eta garatzen.
2. Parte hartzea plan estrategikoa garatzeko urteko kudeaketa-planen diseinuan eta jarraipenean.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUTZEKO ERREGELAMENDUARI BURUZKOA

2024BHER0003

3. Oro har, Tolosako Udaleko Herritarrak Lan Esparruko Informazio Batzorde Iraunkorraren eskariari jarraituz, Tolosan euskararen erabilera normalizatzearekin lotutako gaiak aztertzea.

Egokitzat joz gero, Euskararen Aholku Kontseiluak erabaki dezake lantaldeak eratzea, helburu edo arlo zehatzei loturik, edo egoera zehatzak aztertzeko.

4. artikulua. Euskararen Aholku Kontseiluko kideak.

Ondorengo hauek izango dira Tolosako Udaleko Euskararen Aholku Kontseiluko kideak:

a) Euskara eta Hezkuntza Saila:

- Lehendakaria: Euskara eta Euskaltegia Azpisaileko zinegotzi delegatua eta haren ordezkoa.
- Idazkaria: Euskara eta Hezkuntza Saileko zerbitziburua eta haren ordezkoa.
- Euskara eta Hezkuntza Saileko hizkuntza-normalkuntzako teknikaria eta haren ordezkoa.
- Aitzol Udal Euskaltegiko zuzendaria eta haren ordezkoa.
- UEMA Udalerri Euskaldunen Mankomunitateko teknikaria eta haren ordezkoa.

b) Udal-taldeak: Tolosako Udalbatzan ordezkari bat duen talde bakoitzeko ordezkari bat, eta haien ordezkoak.

c) Udalerrian hizkuntza-normalizazioan diharduten taldeetako ordezkariak:

- Galtzaundi Euskara Taldeko ordezkari bat eta haren ordezkoa.
- Tolosaldeko Ataria hedabideko ordezkari bat eta haren ordezkoa.
- 28 Kanala hedabideko ordezkari bat eta haren ordezkoa.
- Samaniego Herri Ikastetxeko ordezkari bat eta haren ordezkoa.
- Orixe Institutuko ordezkari bat eta haren ordezkoa.
- Laskorain Ikastolako ordezkari bat eta haren ordezkoa.
- Herrikide Ikastetxeko ordezkari bat eta haren ordezkoa.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUZKEKO ERREGELAMENDUARI BURUZKOA

2024BHER0003

Udal-talde eta eragile bakoitzak bere ordezkaria eta haren ordezkoa izendatuko ditu, eta Kontseiluak karguen jabetza emango die, betiere ez badago inolako bateraezintasun-edo debeku-arrazoirik.

Kontuan hartuta zer dioen 1/2023 Legegintzako Dekretuak, martxoaren 16koak, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duenak, neurri egokiak hartuko dira Kontseiluan emakumeek eta gizonen presentzia orekatua izan dezaten (sexu biek gutxienez % 40ko ordezkartza). Presentzia orekatu hori bete dadin, Udalak sustatuko du elkarteetako edota erakundeetako zuzendaritza-organoetan presentzia orekatua izatea, besteak beste, dirulaguntzen oinarrietan neurriak sartuz, emakumeek presentzia txikia duten zuzendaritza-organoetan presentzia hori handitzea ahalbidetzeko.

Ez dira inola ere kide gisa onartuko sexuaren ziozko bereizkeria eragiten duten elkarte edo erakundeak, eta emakumeek gizonetik berdintasunean parte hartzea onartzen ez duten edo oztopatzen duten jarduerak antolatzen dituzten elkarteak. Era berean, ezingo dute parte hartu sexuaren ziozko bereizkeria dela-eta administrazio-zehapena edo zigor penala jaso duten pertsona fisikoek edo juridikoek, dena delako zehapenak edo zigorrak dirauen denboran.

Euskararen Aholku Kontseiluko kidea entitate baten ordezkari izanez gero, entitateak berak izendatuko du —ordezkoa ere bai—. Kide horiek entitate bakar baten izenean hartuko dute parte, eta pertsona batek ezin izango du, inolaz ere, entitate bat baino gehiago ordezkatu.

Aurreko paragrafoetan xedatutakoari aurka egin gabe, Kontseiluko kideek kontseilukide izateari utziko diote ondorengo kasuetan:

- Norbere borondatez, betiere idatziz adierazten bada.
- Erregelamendu honetan adierazitako funtzioak behin eta berriro ez betetzeak eragindako enkaitzeagatik edo kargugabetzeagatik.
- Ordezkatzen duen elkarte, taldea edo kolektiboa desagertzen bada.
- Elkartearen estatutuetan izendatu izanaren funtsezko aldaketarik gertatzen bada.
- Lehendakaritzaren kasuan, delegazio aldatu edo uzteagatik.
- Ordezkatzen duen elkarte uzteagatik.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUZKEO ERREGELAMENDUARI BURUZKOA

2024BHER0003

- Heriotzagatik.

Kontseilukide izateari uztea Kontseiluak berak berretsiko du, lehendakariaren proposamenari jarraikiz.

Nahiz eta Kontseiluko kide ez izan, bileretara joan ahal izango dira bestelako elkarteetako edo taldeetako ordezkariak, baita herritarrak ere. Horiek ez dira izango Kontseiluko eskubide osoko kideak, eta, beraz, ezin izango dute botoa eman eta ez dira aintzat hartuko quorumari dagokionez.

5. artikulua. Kontseilukideen egitekoak.

1. Kontseiluaren lehendakariak honako funtzio hauek ditu:

- Kontseiluaren ordezkari izatea.
- Udal-teknikariak, eta erakundeen eta elkarten ordezkariak gonbidatzea.
- Gai-zerrenda onartzea.
- Bileran buru egitea, eta bileren garapena moderatzea.
- Herritarren parte-hartzea bermatzea.
- Kontseilukide izateari uzteko proposamenak egitea.
- Entitate, elkarte edo herritarrek gonbidatu gisa parte hartzeko egiten dituzten eskaerak onartzea edo baztertzea, Kontseiluak emandako iritzia arabera, eta gonbidapena bidaltzea.
- Kontseiluaren ekimenak eta proposamenak helaraztea Herritarrak Lan Esparruko Informazio Batzorde Iraunkorrari edo, hala badagokio, Udalbatzari, horiek bidera ditzaten.
- Kontseiluaren aktei eta hartutako erabakien ziurtagiriei oniritzia ematea.
- Lehendakari izateagatik dagokion beste edozein eginkizun betetzea.

2. Kontseiluaren idazkariak honako funtzio hauek ditu:

- Kontseiluko bileretara joatea.
- Bileretako aktak egitea.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUTZEKO ERREGELAMENDUARI BURUZKOA

2024BHER0003

- Akta guztiak Euskara eta Hezkuntza Sailean gordetzea eta Kontseiluko kideen esku jartzea.
- Bileretarako deialdiak bidaltzea, gai-zerrendarekin eta azken bilerako aktarekin batera.
- Kontseiluak hartutako erabakiak bideratzea.
- Kontseilukideen alta- eta baja-eskaerak jasotzea eta tramitatzea, baita dagokion erregistroa kudeatzea ere.
- Artxibo- eta erregistro-eginkizunak betetzea.
- Idazkari izateagatik dagokion beste edozein eginkizun betetzea.

3. Euskara eta Hezkuntza Saileko zerbitzuburuak, hizkuntz normalizazioko teknikariak eta Aitzol Udal Euskaltegiko zuzendariak honako funtzio hauek dituzte:

- Aholku ematea dagokion arloari buruzko alderdi teknikoei buruz.
- Lehendakariari proposatzea Kontseilurako gai-zerrendarako gaiak.

6. artikulua. Kontseilukideen eskubideak eta betebeharrak.

Honako eskubide hauek dauzkate Euskararen Aholku Kontseiluko kideek:

- Kontseiluaren bileretako eztabaidetan parte hartzea.
- Gai-zerrendan jasota ez dagoen gairen bat proposatzea. Horrelakoetan, Kontseiluak gehiengo soiluz hartuko du gaia eztabaidatzeko erabakia.
- Hizkuntza-politikari buruzko proposamenak planteatzea.
- Kontseiluak hartutako erabakiak betetzeko garatzen diren ekintzei buruzko informazioa jasotzea.
- Kontseiluaren aktak eta dokumentazio guztia eskuratu ahal izatea.
- Erregelamendu honek nahiz indarrean dagoen legediak ezar dakizkiekeen beste eskubide guztiak.

Honako betebeharrak hauek dauzkate Euskararen Aholku Kontseiluko kideek:

- Kontseiluaren bileretan eta kide diren lantaldeen bileretan parte hartzea.



Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUZKEO ERREGELAMENDUARI BURUZKOA

2024BHER0003

- Kontseiluak hartutako erabakiak betetzeko sustatzen diren ekintzetan laguntza ematea.
- Erregelamendu honetan xedatutakoa errespetatu eta betetzea.
- Elkarte, talde edo kolektiboen kasuan, Udalari jakinaraztea beren estatutuak aldatuz gero, aldaketa horiek izendapenetan eraginik baduten aztertzeke.
- Entitatearen ordezkaria edo helbide soziala aldatuz gero, horren berri jakinaraztea.
- Erregelamendu honek eta indarrean dagoen legediak ezar dakizkiekeen beste betebeharrak guztiak.

7. artikulua. Kontseiluaren egitura.

1. Kontseilukide guztiek osatuko dute Euskararen Aholku Kontseiluaren batzarra.
2. Honako kide hauek osatuko dute Euskararen Aholku Kontseiluaren Batzorde Iraunkorra:
 - Euskara eta Hezkuntza Saileko zinegotzi delegatuak eta haren ordezkariak (lehendakaria).
 - Euskara eta Hezkuntza Saileko zerbitzaburuak eta haren ordezkariak (idazkaria).
 - Euskara eta Hezkuntza Saileko hizkuntz normalizazioko teknikariak eta haren ordezkariak.
 - UEMA Udalerri Euskaldunen Mankomunitateko teknikariak eta haren ordezkariak.
 - Tolosako Udalbatzan ordezkariak duten talde bakoitzeko ordezkari banak eta haien ordezkariak.
 - Galtzaundi Euskara Taldeko ordezkariak eta haren ordezkariak.

Kontuan hartuta zer dioen 1/2023 Legegintzako Dekretuak, martxoaren 16koak, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duenak, neurri egokiak hartuko dira Batzorde Iraunkorrean emakumeek eta gizonen presentzia orekatua izan dezaten (sexu biek gutxienez % 40ko ordezkariak). Presentzia orekatu hori bete dadin, Udalak sustatuko du elkarteetako edota erakundeetako zuzendaritza-organismoetan presentzia orekatua izatea, besteak beste, dirulaguntzen oinarrietan neurriak sartuz, emakumeek presentzia txikia duten zuzendaritza-organismoetan presentzia hori handitzea ahalbidetzeko.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUTZEKO ERREGELAMENDUARI BURUZKOA

2024BHER0003

Ez dira inola ere kide gisa onartuko sexuaren ziozko bereizkeria eragiten duten elkarte edo erakundeak, eta emakumeek gizonetikiko berdintasunean parte hartzea onartzen ez duten edo oztopatzen duten jarduerak antolatzen dituzten elkarteak. Era berean, ezingo dute parte hartu sexuaren ziozko bereizkeria dela-eta administrazio-zehapena edo zigor penala jaso duten pertsona fisikoek edo juridikoek, dena delako zehapenak edo zigorrak dirauen denboran.

8. artikulua. Bileren aldizkakotasuna.

1. Euskararen Aholku Kontseiluak urtean bi aldiz egingo du batzarra: bat, urte amaieran, urteko kudeaketa-planaren deskargua jasotzeko eta hurrengo urteko kudeaketa-plana onesteko; bestea, uda hasieran, urteko jarraipena egiteko. Bilkura horiek publikoak izango dira, eta Udalak alde zuzenetik emango du deialdiaren berri, edozein eragile edo herritarrek aukera izan dezan joateko. Horiek ez dute boto-eskubiderik izango.
2. Euskararen Aholku Kontseiluaren Batzorde Iraunkorra hilean behin bilduko da, urteko kudeaketa-planaren aurreikusitako jarduerak planifikatzeko eta haien jarraipena egiteko.
3. Lehendakariak beharrezkotzat joz gero, ohiz kanpoko bilerak egin ahal izango ditu Euskararen Aholku Kontseiluaren batzarra, baita Batzorde Iraunkorra ere.
4. Eskubide osoko kideen erdiek eskubidea izango dute ohiz kanpoko bilera eskatzeko. Halakoetan, gehienez ere hamabost eguneko epean gauzatuko dira bilera horiek. Deialdia gutxienez zazpi egun natural lehenago egin beharko da.

9. artikulua. Kontseilua eratzea.

1. Euskararen Aholku Kontseiluaren batzarra eratutzat joko da kontseilukideen erdiak eta bat gehiago bertaratu direnean. Nolanahi ere, eraketak balioa izan dezan, beharrezkoa izango da lehendakaria eta idazkaria bertan egotea.
2. Batzorde Iraunkorra eratutzat joko da kideen erdiak eta bat gehiago bertaratu direnean. Nolanahi ere, eraketak balioa izan dezan, beharrezkoa izango da lehendakaria eta idazkaria bertan egotea.

10. artikulua. Boto-eskubidea.



TOLOSAKO
UDALA

Herritarrak Lan Esparruko Informazio Batzorde Iraunkorra

EUSKARAREN AHOLKU KONTSEILUA ARAUZKEO ERREGELAMENDUARI BURUZKOA

2024BHER0003

Kontseilukide guztiek dute boto-eskubidea, Tolosako Udaleko eta UEMAKo langileek izan ezik, baina proposamenak onartzeko adostasuna sustatuko da.

Proposamenak egiten direnean adostasuna lortzerik ez badago, eskubidea duen bakoitzak bere botoa emango du, eta hala jasota geratuko da aktan. Erabakiak gehiengo soilaz hartuko dira. Bozketan berdinketarik izanez gero, berriro bozkatuko da, eta, hala ere berdinketarik egongo balitz, lehendakariaren bozak bi halako balioko du.

Erregelamendu honetan jaso ez diren gai guztietarako bete beharko da udal-organoen araudian eta toki-erregimeneko araudiak kide anitzeko organoen inguruan ezarritakoa.

Xedapen indargabetzailea.

Baliorik gabe geratzen da Tolosako Udalbatzak 2021eko urtarrilaren 28an onartutako Tolosako Udaleko Euskararen Aholku Kontseilua arautzeko erregelamendua, baita Erregelamendu honen maila berekoak edo txikiagoak izanik, Erregelamendu honetan xedatuarekin bat ez datozen erabaki guztiak.